: Motor To Children of the L

filts pingles door not recovery

Ch on charge

## CHANSON PATOISE.

Les amours et conclusions de mariage de Magritte et Jean-Franchois.

Air: V'là d' s'aria, ma bonne mère.

En m'nant nos vaques à l' pâture,
J'ai rencontré m'n amoureux;
I m' dit: que' bonne aventure
Ed nos être joints nous deux!
Et mi d'men côté j'vos jure
Que j' crus éch' momen heureux.

I m' dit, l' diable emporte, Magritte,
I faut tout d' suit' nos marier.
Mi j' li dis: cha t' prend ben vîte,
Et' n'as pont b'zon d' t'ennuyer.
E m' mère a' n' veut pont qu' je l' quitte,
Ainsi, peux-jou el' quittier?

Im' dit: n'acout' pont à t' mère, in ?
Car a' n' sayt pont chou qu'al' dit.
Al' a ben voulu d' ten père;

D'mande en peu den no' village, Comme éj' says ben traveiller. Ej' sus t'en diable à l'ouvrage: Tout l' moude i vient m'employer; Ej' m'entends au retoupage, Ej' s. ys battre et fossilier.

Ej' sus prop'e à tout ouvrage:

Ej' says ben fai e él' mois d'Au;

Ej' loye et sçoy' comme el' rage,

Eun' fois qu' j'ay mengé l' caudiau.

Men parei' den no' village,

I n'y est pont, ni den l' hamiau.

Ti, te says moudre les vaques, Battre él' beure et écramer, M' dit i. Pour fair' des casaques Ed's étoup' te says filer; Ainsi tous l's ans pour les pêques, D' nouviau te peux m' r'habiller.

Mieux que chertaignes personnes, I m'a dit, éj' sus provu; J'ay trois paires de maronnes Qui sont faites d'ssus men c..; N'i en a deux qui sont cor bonnes, Quoiqu'i n'i eut des pièches éd'ssus. ( 145 )

J'ai eun' casaque à Dimenche,
Trois qu'mige' aveuc des jabots,
Et eun' bel' cravatte à freinche,
D's'esquerfins et des chabots:
Pour equ' tout chou qu' j'ai j' t'appreinche,
J' te treuv' chi fort à propos.

J'ai deux bel' paires d'houzettes, Eun' pair' d' cauch' éd' filé bleu; Un capiau rond, deux qu'migettes; J' sus paré comme un Monsieu; 5i os faisons des empléttes, Pour mi j'acat'rai tout peu.

Mi, j' li dis, j'ai deux cornettes,

Et un biau apostolo,

Deux qu'miges, puis trois coiffettes,

Tout à la Cagliostro;

J'ai aussi deux collerettes,

Et pusque un corset éd' fro.

J'ai un grand mouchois d'indienne Que j' boute éd' sus men hatrez, I Et eun' pair' d'manches ed' persienne, Tout cha n'est-i pont assez? J'ai eun' cauchur' comme él' tienne, Ou du moins ch'est à-peu-près.

J'ai un biau cotron d' tirtagne, in la Et cor, yun éd' toil' par d'zous; Outre cha, j'ai eun' vaqu' plagne,

Deux glingn's, un pourcheau étout?

Pus qu' té l' veux, l'autre semagne
Os n'en widr'ons tout d'un coup.

Ainsi, éd' tout' l'aventure,
Chou qui n'en va résulter,
Ch'est d' nos marier: grande allure,
V'là chou qui va arriver:
J' vays fair' l' tarte éd' confiture
Et l' watiau pour régaler.

Os prirons em' n'onque et m' tante, Nos cousingnes, nos cousins; Os f'rons eun' neuche charmante; Deux r'pas de ch' qui n'ia d' pu fins; Os s'rons ben quinze ou quarante, Comptant voigingnes, voigins.

A Desvres j' m'en iray queure
Un' courée, ou deux, ou trois;
Aveuc cha éj' f'rai, ben seure,
Des pâtés, com' dit Frenchois,
Equ' pour peu qu' j'y boute éd' beure,
Tout l' monde en léc'ra ses doigts.

Par eun' soupe des pus superbes
Chés grands ér'pas os qu' mench'rons;
J' boutrai d' quatre ou chinq sort' d'herbes,
Six pieds d' bœufs et deux gambons;
Comme i dites ches proverbes,
Os n' n'érons jusqu'aux mentons.

( 147 )

El' berquer éd' no village
I jûra del' pipe-à-sa;
L' fieu d'no clerc, garchon fort sage,
Des bel' canchons i caut'ra:
I n' iéra fameux tapage,
Dusqu'au matin o dans'ra.

Quand os s'rons à no' ménage, J'érai ben son éd' Frenchois; E j' li f'rai du bon potage, E j' li fricas'rai des pois: S'i veut menger du fromage, J' li en f'rai plain no' égoutois.

Enfin, tout chou qu'o peut dire, Ch'est qui s'ra ben aveuc mi; Et mi é qu' j'érai biau rire; Quand j' s'rai mariée aveuc li; On n'en varra core d' pire Den tous ches environs-chi,